

2017-imut nammineerluni nalunaarsuiffimmut (S1) nalunaajaat

Kikkut 2017-imut nammineerluni nalunaarsuiffimmik immersuisussaappat?

Inuit 2017-imi nunatsinnut akileraartussaataasimagunik, tamarmik 2017-imut nammineerluni nalunaarsuiffimmik nassiussisussaangillat.

Isertitanut paasissutissat aalajangersimasut ilaat 2017-imut nammineerluni nalunaarsuiffimmut Akileraartarnermut Aqutsisoqarfimmit ikkussorneqareerput. Paasissutissat ikkussuunneqartut aningaasangorlugit katinneri nammineerluni nalunaarsuiffimmi sammisani ataasiakkaani nalunaarsorsimapput. Paasissutissat ikkussoriikkat ajunnginersut misissussavatit.

Paasissutissat nammineerluni nalunaarsuiffimmi ikkussoreersimasut eqqortuuppata aamalu ilassutissaqanngikkuvit, nammineerluni nalunaarsuiffiup nassiunnissaa pisariaqanngilaq.

Sulineramik inuussutissarsiutilinnut soraarnerussutisialinnullu amerlanerpaanut paasissutissat ikkussoriikkat naammassapput. Taamaattumik inuit pineqartut taakkua qulakkiissaavaat paasissutissat eqqortuunersut, taamalu eqqortuuppata tamakkiisuuppatalu iliuuseqaq-qinnissaq pisariaqarani.

Tamatuma saniatigut atuuppoq sulineramik inuussutissarsiutilinnut killilimmik akileraartussaataasunut, nammineerluni nalunaarsuiffik nassiuttariaqanngimmassuk immikkut pissutsinik atuuttoqartinnagu. Kalaallit Nunaannut killilimmik akileraartussaataaguit, assersuutigalugu pigisamik aalaakkaasumik attartortitannik pigisaqarlutit, taava nammineerluni nalunaarsuiffimmik Akileraartarnermut Aqutsisoqarfimmut nassiussissaatit.

Akileraartarnermut Aqutsisoqarfiup Innuttaasunut Sullissiviani paasissutissat sukumiinerusut pissarsiarineqarsinnaapput. Nammineerluni nalunaarsuiffik qupperneq 1-imi allassimavoq oqarasuaatip normua mail-erfissarlu.

Nammineerluni nalunaarsuiffiup nassiunnera

Ukioq manna nammineerluni nalunnarsuiffik innuttaasut allakkatigut, telefax, e-mail aqutigalugu nassiussinnaavaat imaluunniit Akileraartarnermut Aqutsisoqarfiup nammineq-toortaalluni-aaqqinera www.aka.gl-imiittoq atorlugu imaluunniit NemID www.sullissivik.gl -imi imminut sullilluni allannguuteqarnikkut, ilassuteqarnikkut imaluunniit nammineq nalunaarsuiffik akuerineratigut.

Aaqqiineq www.aka.gl-kut: Nammineerluni nalunaarsuiffiup saqqaani isissutissaq naqereersimavoq, taanna inuup normualu atorlugu allannguteqarsinnaanermut il.il. isissutaassaaq.

Nammineerluni nalunaarsuiffik nammineq aggiukkukku, e-mail-ikkut fax-ikkulluunniit nassiukkukku atsiornissaa eqqaamassavat.

Aappariit katissimasut

Aappariit katissimasut ataatsimut akileraartussaataaeranat 1. januar 2008 aallarnerfigalugu atorunnaarsinneqarpoq, taamaammatt aappariit katissimasut immikkut 2017-imut aningaasarsiaminnik aningaasartuutiminnillu nammineerluni nalunaarsuummik nassiussissapput.

Meeqqat

Meeqqat 1. januar 2017-imi suli 15-inik ukioqalersimangitsut, nalinginnaasumik nammineerluni nalunaarsuiffimmik immersuisussaannikkaluarpur. Akileraaruteqaataasussanilli aningaasarsiaqarsimagunik, aningaasarsiatik il.il. pillugit nammineerluni nalunaarsuiffik immersussaavaat. Immersugassamik nassitsissimangikkunik, Akileraartarnermut Aqutsisoqarfiup Innuttaasunut Sullissivianut saaffiginnikkut imaluunniit nittartakkami www.aka.gl-imi pissarsiarisinnaavaat.

**Nammineerluni
nalunaarsuiffimmi suut
ilanngunneqassappat?**

2017-imi isertitatit akileraaruteqaataasussat aningaasartuutillu ilanngaatineqarsinnaasut tamaasa ilanngutissavatit. 2017-imi ukiup ilaannaa akileraartussaasimaguit, piffissami tassaniinnaq isertitat il.il. ilanngutissavatit.

Akileraartarnermut Aqutsisoqarfiup ersarissassavaa, nammineerluni nalunaarsuiffimmi paasissutissanik mianersuaalliorluni eqqunngitsumik paasinerluutaasinnaasumilluunniit nalunaarsuisoqarpat, pineqaatissanik pillaaqartitsineqarsinnaammat.

**Aningaasarsiat B-t
akileraarutitaqanngitsut
aammalu ilannga
aalajangersimasoq**

Sammasat taakkua nalunaarsuiffissaqanngillat. Qarasaasianik akileraarusiinermit atortoris-saarutaasunik naatsorsorneqarlutillu ilanngaatinissaat isumagineqassapput aningaasarsiat akileraaruteqaataasussat naatsorsorneqarneranni.

2017-imi aningaasarsiat B-t akileraarusigassaannngitsut annertussuseqarput 5.000 koruuninik aammalu ilannga aalajangersimasoq inummut ataatsimut 10.000 koruuninik annertussuseqarluni. Kisitsisit taakkua ukiumoortuupput. Taamaattumik ukioq ilivitoq inorlugu akileraartussaataasimaguit piffissamut tassunga naleqquttumik kisitsisit millilerneqassapput.

Aappariit aappaata aningaasarsiat B-t akileraarutitaqanngitsut imaluunniit ilannga aalajangersimasoq aningaasarsiat akileraaruteqaataasussat naatsornerini tamakkiisumik atorsinnaanngippagit atunngitsuukkat qarasaasiatigut ingerlaannartumik aappariit aappaanut nuussineq pissaaq.

Aningaasarsiat B-t akileraarutitaqanngitsut imaluunniit ilannga aalajangersimasoq aappariit atorsinnaanngippatigut nuussineq pinaviangilaq.

Nalornisaqarpit?

Nammineerluni nalunaarsuiffiup immersornissaanut nalornissuteqaruit, Akileraartarnermut Aqutsisoqarfiup Innuttaasunut Sullissivianut saaffiginnikkut apeqquteqarsinnaavutit. Oqarasuaatikkut saaffiginninnerit pissapput normumut 34 65 10-mut.

Taamaattoq nammineerluni nalunaarsuiffik aammalu una ilitsersuut atuarukku, nalinginnaasumik eqqortumik immersorsinnaassavat.

Nammineerluni nalunaarsuiffimmi (qupperneq 3 aamma 4) sammisanut ataasiakkaanut nalunaajaatit

10 Sammisami tassani 2017-imi aningaasarsiat A-t katinneri Akileraartarnermut Aqutsisoqarfiup nalunaarsorpai. Ukioq aningaasarsiorfik 2017-imiit nunani allani soraarnerussutisiaqarnissamut aaqqissuussinernut 2017-mi sulisitsisorisavit akiliutigisimasaasa katinneri, sammisami tassani ilaapput.

Ukioq aningaasarsiorfik 2017-imiit nunani allani soraarnerussutisiaqarnissamut aaqqissuussinernut tunngatillugu pisortaniit tapiissutit tigusimasatit, akileraarutit pillugit Inatsisartut inatsisaata allangortinneqarneranik Inatsisartut inatsisaat nr. 7, 6. juni 2016-imeersoq, § 2 malillugu (soraarnerussutisiaqarnissamut aaqqissuussinernut nunani allaniittunut akiliutit akileraaruserneqartarnerat), sammisami tassani ilaapput.

Aningaasat naqeriikkami taaneqartut isumaqatiginngikkukkit sammisaq 10-mi eqqortut nalunaarsussavatit

Aningaasarsiat amerlanertigut aningaasarsiat allagartaani sammisaq 110, 111 imaluunniit 112-imiittumi takuneqarsinnaapput, sulisitsisorisannit januar 2018-imi pissarsiarisanni.

Sulisitsisorisat pisussaataavaoq akissarsiat allagartaanik tunniussissalluni, tassani isertitarisimasat ukiumoortut il.il. takuneqarsinnaapput. Pisussaataavutit isertitarisimasat tamakkiisut nammineerluni nalunaarsuiffimmut nalunaarsussallugit, akissarsiat allagartaat ukiumoortut pissarsiarisimanngikkaluarlugilluunniit. Tamaaliorsinnaavutit ukiup ingerlanerani aningaasarsiat allagartaat pissarsiarisimasatit tunngavigalugit.

Akileraartarnermut Aqutsisoqarfiup nammineq-toortaalluni-aaqqiissutaa www.aka.gl - imiittoq atorlugu akissarsiat allagartaat nalunaarutigineqarsimasut nalunaarsorsimaneri takusinnaavatit.

11 Sammisami tassani 2017-imi pisortanit ikiorsiissutit katinneri Akileraartarnermut Aqutsisoqarfiup nalunaarsorpai. Aningaasat taakku isertitat A-jupput, kisiannili akileraaruteqaataasussat naatsorsorneqarneranni immikkut naatsorsueriaatsinik maleruagassaqarlutik.

Aningaasarsiat akissarsiat allagartaani, sulisitsisorisannit januar 2018-imi tigusimasanni, sammisaq 114-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 11-mut nalunaarutigissavatit.

18 Sammisami tassani GIS-imit/DIS-imit isertitatit tamakkiisut Akileraartarnermut Aqutsisoqarfiup nalunaarsorpai. Aningaasarsiat allagartaani, sulisitsisorisannit januar 2018-imi tigusimasanni, sammisaq 115-mi takuneqarsinnaapput.

Aningaasat taakku isertitat A-jupput, kisiannili akileraaruteqaataasussat naatsorsorneqarneranni immikkut naatsorsueriaatsinik maleruagassaqarlutik.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-

saq 18-imut nalunaarutigissavatit.

19

Allanik A-nik isertitaqarsimaguit sammisaq 19-imi nalunaarsussavatit.

20

Erniasiat Kalaallit Nunaanniit, Danmark-imit imaluunniit nunanit allaneersut ilanngunneqassapput.

Sammisaq 20-mi aningaaserivimmi uninngasuutinit erniasiat Akileraartarnermut Aqutsisoqarfiup nalunaarsorpai. Taakku tassaasinnaapput aningaasarsianut konto-miit, ileqqaagaqarnermi konto, kiisalu konto meeqqanut ileqqaartitsinermi aaqqiinerneersut assigisaanillu.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 20-mut nalunaarutigissavatit.

Suliffiuteqarfiup erniasiai sammisaq 126a-mi, qupperneq 4-miittumi, nalunaarneqassapput.

Malugeqquneqarpoq **danskit aningaaseriviini assigisaanilu** soraarnerussutisiaqarnissamut aaqqissuussinermit (assersuutigalugu taaneqarsinnaapput: ileqqaakkat soraarninngornermi agguaqatigiissaarlugit tunniunneqartartut, ileqqaakkat tunniunneqalernermi akit nikerarneri tunngavigalugit angissuilerneqartussat, soraarnerussutisiaqalernissamut ileqqaakkat, soraarninngornermi ataatsikkut tunniunneqartussat) aamma soraarninngornissamut ileqqaakkat nammineq annertussuui aalajangikkat) kiisalu Lønmodtagernes Dyrtdisfondimi uninngasuutit erniaat aningaasarsiat akileraaruteqaataasussat naatsorsorneqarnerini ilanngunneqassanngimmata.

Akileraartussaataitaanerup aallartinnerani imaluunniit toqumik pissuteqanngitsumik kipinerani erniatigut isertitat piffissamut akileraartussaasup akileraartussaaffigisaanut tunngassuteqartut aningaasarsiat akileraaruteqaataasussat naatsorsorneqarnerini ilanngunneqassapput.

Assersuut 1: Akileraartussaataitaaneq **aallartippoq** 1/7-mi. Erniatigut isertitat ukiumoorut 6.000 koruuniupput. Piffissamut 1/4 2017-imiit 31/3 2018-imut ulloq ernialiiffiusoq tassaavoq 31/3 2017.

Piffissami akileraartussaataitaaffimmi (1/7-miit 31/12-imut) ernialiunneqartut	0 kr.
Erniatigut isertitat piffissamut akileraartussaataitaaffimmut tunngasut: kr. 6.000/12 x 6 =	<u>3.000 kr.</u>
Ukiumi tikiffimmi (akileraartussaataitaanerup allartiffiani) erniatigut isertitat akileraarusersorneqartussat	<u>3.000 kr.</u>

Ukioq 2016 tamaat akileraartussaagaanni kiisalu pissutsit allat allannguuteqarsimangippata, taava 2017-imut erniatigut isertitat akileraaruserneqartussat ima naatsorsorneqassapput:	
2017-imi erniatigut isertitat (31/3-mi)	6.000 kr.
taakkunanga 2018-imut tunngassuteqartut: kr. 6.000/12 x 3 =	- <u>1.500 kr.</u>

Erniatigut isertitat 2017-imi akileraarusersorneqartussat **4.500 kr.**

Assersuut 2: Akileraartussaataitaaneq **kipivoq** 31/8-imi. Erniatigut isertitat ukiumoortut 9.750 koruuniupput. Piffissamut 1/1-imiit 31/12 2017-imut ulloq ernialiiffiusoq tassavoq 31/12 2017.

Piffissami akileraartussaataitaaffimmi (1/1-imiit 31/8-imut) ernialiunneqartut 0 kr.

Erniatigut isertitat piffissamut akileraartussaataitaaffimmut tunngassuteqartut: kr. $9.750/12 \times 8 =$ **6.500 kr.**

Ukiumi aallarffimmi (akileraartussaataitaanerup kipiffiani) erniatigut isertitat akileraarusersorneqartussat **6.500 kr.**

Inatsisartut inatsisaanni nr. 18, 3. november 1994-imeersukkut pisassarisanit, Akileraartarnermut Aqutsisoqarfiup angissusiligaanit erniat minnerpaaffissaannit ikinnerusunik ernialerlugit pilersinneqartunit, iluanaarutit nalinga qaffariarnerisigut akileraarusersorneqartarneri pillugit malittarisassat atulersinneqarput. Malittarisassaq pisassarisanut 4. oktober 1994-imi kingusinnerusumiluunniit tunineqartunut, akileneqartunut makinneqartunulluunniit sunniuteqarpoq. Aalajangersagaq inatsimmi qulaani taaneqartumiittoq Inatsisartut inatsisaanni nr. 12, 2. november 2006-imeersumi ingerlateqqinneqarpoq.

21 Nunatsinniit, Danmarkimiit imaluuniit nunanit allanit erniasiat ilanngunneqassapput.

Sammisaq 21-mi obligationinit imaluunniit qularnaveeqqusiussaqluni taarsigassarsinermi allagartat toqqorsivimmiittunit erniasiat Akileraartarnermut Aqutsisoqarfiup nalunaarsorpai.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 21-mut nalunaarutigissavatit.

Aammalu sammisaq 20-mi nalunaajaatit takukkit.

29 Erniatigut isertitat allat nunatsinniit, Danmarkimiit nunanilu allaneersut tamarmik ilanngunneqassapput sammisaq 29-milu nalunaarsorneqassallutik. Assersuutigalugu erniatigut isertitat inuinnaat akornanni taarsigassarsisitsineersut.

Aammalu sammisaq 20-mi nalunaajaatit takukkit.

30 Sammisami tassani 2017-imi ilinniagaqarnersiutisiat Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2018-imi tigusimasanni, sammisaq 140-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 30-mut nalunaarutigissavatit.

Ilinniagaqarnersiutit aningaasarsiat B-jupput.

- 31 Sammisami tassani 2017-imi ilaqutariinni inissiisarnermi paaqqinninersiutit Akileraar-
tarnermut Aqutsisoqarfiup nalunaarsorpai.
- Aningaasarsiat akissarsiat allagartaani, sulisitsisorisannit januar 2018-imi tigusimasanni,
sammisaq 141-mi takuneqarsinnaapput.
- Aningaasat naqeriikkami taaneqartut isumaqatiginngikkukkit, kisitsisit eqqortut sammi-
saq 31-mut nalunaarutigissavatit.
- Ilaqutariinni inissiisarnermi paaqqinninersiutit saniatigut assersuutigalugu atuakkiortu-
tut aningaasarsiarisimasat assigisaalluunniit aningaasarsiat B-tut 2017-imi isertitat, sam-
misaq 31-mi nalunaarsorneqassapput.
- 32 2017-imi aapparisimasamit angajoqqaajusumilluunniit akilersuutisianik il.il. pissarsisi-
maguvit sammisaq 32-mi nalunaarsussavatit.
- 33 2017-imi aktiat Danmark-imeersunit nunani allaneersunillu iluanaarutaannik
pissarsisimaguit sammisaq 33-mi nalunaarsorneqassapput.
- Iluanaarutisiannik Danmark-imit imaluunniit nunanit allaneersunit iluanaarutisianik aki-
laraarusigaasimaguit, qinnuvigineqarputit akileraarsimanermit uppersaammik
nammineerluni nalunaarsuiffimmut ilanngusseqqullutit, inaarutaasumik naatsorsuiner-
mi nunani allani akileraarsimaneq ilaaniassamat.
- 39 Allanik aningaasarsiat B-nik isertitaqarsimaguit, soorlu nunatsinni pigisaq aalaakkaa-
sumit isertitat, nunatsinni inissiap nalinga nammineq pigisaq aalaakkaasumit, tunissutit
akileraaruteqaataasussat kiisalu 2017-imi akeqanngitsumik angalanerit akileraaruteqaa-
taasussat, isertitat taamaattut sammisaq 39-mi nalunaarsorneqassapput.
- Aningaasarsiat akissarsiat allagartaani, sulisitsisorisannit januar 2018-imi tigusimasanni,
sammisaq 150-mi imaluunniit 155-imi takuneqarsinnaapput.
- Nammineq illuummi inigisap aningaasatigut nalinga aatsaat ilanngunneqartassaaq illu
marlunnik amerlanerusunilluunniit najugassaqarpat (lejlighed-eqarpat) imaluunniit min-
nerpaamik illup affaa, imaluunniit illup ilaa 100 kvadratmeter-i inuutissarsiornermut
atorneqarpat. Akileraarusiineqassappat Kalaallit Nunaanni inissianut attartortittakkanut
maleruagassatut akigititat atuuttut il.il. najoqqutarineqassapput. Maleruagassatut
akigititat taakku innuttaasunut sullissivimmuut akileraaruseriffimmulluunniit
paasiniarneqarsinnaapput.
- Ukiumoortumik angalatitaaneq sulisitsisunit privatinit pisortanilluunniit akilerneqartoq
Kalaallit Nunaanni tjenestemandimut maleruagassat atuuttut naapertorlugit akileraarute-
qaataasussaangilaq.
- Kalaallit Nunaanni tjenestemandinut maleruagassat atuuttut sinnerlugit sulisitsisunniit
akilerneqartumik akeqanngitsumik angalatitaaguit angalanerit tamakku nalingat inummut
ataatsimut angalanermit ataatsimut 17.300 koruuninik naatsorsorlugit ilanngutissavatit,
taamaattorli meeqqamut 2-miit 11-nik ukiulimmut meeqqamut ataatsimut 8.650 koruunit
marlunnillu ukioqalersimangtsumut ataatsimut 1.730 koruunit.

Inuit kommunit aggornerisa avataanni atorfeqartut, soorlu Pituffimmi akeqanngitsumik angalanerat, Naalakkersuisut aalajangerpaat akeqanngitsumik angalanerit nalingat akileraruteqartinneqassagunik inummut ataatsimut angalanermut ataatsimut 2.000 koruuni-ussasoq.

Angalanerli ingerlanneqarsimappat uppernarsaatissalimmik siuliini taaneqartunit akikinnerusumik, taava akikinnerusumik angalasimanerup nalinga kisimi akileraarusersorneqassaaq.

40

Tassani 2017-imi akeqanngitsumik ilaannakortumilluunniit nerisaqarnerup Akileraartarnermut Aqutsisoqarfiup nalunaarsorpaa, sulisitsisorisannit akissarsiat allagartaani nalunaarutigineqartut tunngavigalugit.

Sulinermut atatillugu akeqanngitsumik nerisaqarnerup nalinga inummut ataatsimut ukiumut:

Nerisaqarneq ukiumut..... 34.700 kr.
Tamakkiisumik nerisaqarneq ullormut. 99 kr.
Ilaannakortumik nerisaqarneq ullormut (nerisat marluk)... 74 kr.
Ilaannakortumik nerisaqarneq ullormut (nerineq ataaseq). 55 kr.

Atorfeqartitaasup ullut qassit nerisaqartitaasimanersoq nalinginnaasumik akissarsiap allagartaani A11-mi takuneqarsinnaavoq. Aningaasarsiat akileraaruteqaataasussat naatsorsornerini atugassaq akinut naligititanullu takussutissiaq skema S 2a-mi allattorsimapput, taannalu aamma www.aka.gl-mi takuneqarsinnaavoq. Akiusut taakkua ukioq naallugu atuuttuupput, taamaattumik ukioq ilivitsoq inorlugu nerisaqartinneqarsimagaanni piffissamut tassunga naleqquttumik kisitsisit millilerneqassapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 40-mut nalunaarutigissavatit.

41

Sammisami tassani 2017-imi akeqanngitsumik ilaannakortumilluunniit akilerlugu ineqarneq Akileraartarnermut Aqutsisoqarfiup nalunaarsorpaa, sulisitsisorisannit akissarsiaavit allagartaani nalunaarutigineqartut tunngavigalugit.

Akeqanngitsumik ineeqqamik, inissiaaqqamik (ineeraq igaffeerartalik), inissivittut taaneqarsinnaanngitsumik, najugaqartitaaneq 2017-imut 16.100 koruuninut nalilerneqarpoq. Pisortaatitanut, hoteldirektørinut assigisaanullu, immikkut naliliussaq atuuppoq, akeqanngitsumik najugaqarsimagaanni. Inummut ataatsimut ukiumut nalinga 56.900 koruuniuvoq. Kisianni meeqqat ukiup aningaasarsiorfiup aallartinnerani 12-inik ukioqalersimanngitsut akiusup affaanut naatsorsuunneqassapput. Immikkut pissutissaqartillugu akiusut sanioqqunneqarsinnaapput.

Aningaasat annertussusaat naqeriikkamiittut isumaqatiginngikkukkit, sammisaq 41-mi aningaasat eqqortut nalunaarsussavatit.

42

Sammisami tassani 2017-imi akeqanngitsumik imaluunniit ilaannakortumik akilerlugu ineqarneq, utaqqiisaasumik ineqarneq Akileraartarnermut Aqutsisoqarfiup nalunaarsorpaa, sulisitsisorisannit akissarsiaavit allagartaani nalunaarutigineqartut tunngavigalugit.

Akeqanngitsumik ilaannakortumilluunniit akilerlugu inigisaq, utaqqiisaasumik inigisaq atuisumut akileraarusersorneqassaaq. Nalinga akileraarusersorneqartussaq inigisamut akiliutaasimasup inissianullu attartortakkanut 31. december 2017-imi akigitat pineqartut Akileraartarnermut Aqutsisoqarfiup Innuttaasunut Sullissivianut paasiniarneqarsinnaapput, immikkulli pissutissaqartillugu akiusut sanioqqunneqarsinnaapput.

Taakku saniatigut kallerup innerata, kiassarnerup (uuliap) imeqarnerulluunniit nalingi ilanngunneqassapput pineqartut sulisitsisumit akilerneqartarsimappata.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 42-mut nalunaarutigissavatit.

- 43** Sammisami tassani 2017-imi akeqanngitsumik ilaannakortumilluunniit akilerlugu telefontartitaanerup nalinga Akileraartarnermut Aqutsisoqarfiup nalunaarsorpaa, sulisitsisorisannit akissarsiaavit allagartaani nalunaarutigineqartut tunngavigalugit.

Akeqanngitsumik telefontartitaanerup inummut ataatsimut ukiumut 6.000 koruuninik naleqarpoq.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 43-mut nalunaarutigissavatit.

- 43a** Sammisami tassani 2017-imi akeqanngitsumik internettersinnaatitaanerup nalinga Akileraartarnermut Aqutsisoqarfiup nalunaarsorpaa, sulisitsisorisannit akissarsiaavit allagartaani nalunaarutigineqartut tunngavigalugit.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 43a-mut nalunaarutigissavatit.

- 44** Sammisami tassani 2017-imi akeqanngitsumik ilaannakortumilluunniit akilerlugu biileqartitaanerup nalinga Akileraartarnermut Aqutsisoqarfiup nalunaarsorpaa, sulisitsisorisannit akissarsiaavit allagartaani nalunaarutigineqartut tunngavigalugit.

Qamutit motorillit sulisitsisumit atugassaritneqartut nalingat tassani ilanngunneqassaaq. Naligititaq ukiumoortoq aallaavigalugu ilanngunneqartassaaq. Taanna naligitineqartoq millilerneqarsinnaavoq ukiup ilaannaa atorfeqartitaanerup nalaani privatimik atugassaritneqarsimappat imaluunniit atorneqarsinnaanera aqqusineqarnikkut il.il. annertuumik killeqartinneqaraangat.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 44-mut nalunaarutigissavatit.

- 49** 2017-imi atorfeqarninnut atatillugu allanik akeqanngitsunik ajunngitsorsiaqartitaasimaguit nalingi sammisaq 49-mi nalunaarsorneqassapput.

- 50** Akiitsut erniaat taakkunungalugu atatillugu sullissinermut matussutissatut ingerlaavartumik ernialiuttakkat ilanngaatigineqarsinnaapput, matumani apeqqutaatinnagu akiitsut inuutissarsiornermi privatimilluunniit taarsigassarsiaaneri. Erniat il.il., inuussutissarsior-

nermi taarsiassarsianut tunngasut sammisaq 126b-mi, qupperneq 4-miittumi, nalunaarne-qassapput.

Ernianut aningaasartuutit akiitsut pigisanik aalaakkaasunik qularnaveequsiilluni taarsi-gassarsisitsisarfinneersunit sammisaq 50-imi Akileraartarnermut Aqutsisoqarfiup nalunaarsorpai.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 50-imut nalunaarutigissavatit.

Naafferartumik akilersugassatut pisiaqarsimanerme ernialionneqartartut aamma pigisat aalaakkaasut Kalaallit Nunaanni inissisimasut qularnaveequsiullugit taarsigassarsiat erniaat ilanngaatineqarsinnaapput.

Kisianni pigisat aalaakkaasoq Kalaallit Nunaata avataani inissisimasooq qularnaveeqqu-siullugu taarsigassarsiat erniaat kiisalu pigisat aalaakkaasup Kalaallit Nunaata avataani inissisimasup pisiarineqarneranut ingerlanneranulluunniit atugassatut taarsigassarsiat erniaat ilanngaatineqarsinnaanngillat.

Akiitsut erniaat 2017-imi akiligassannorsimasut kisimik ilanngaatineqarsinnaapput.

Akileraartussaataitaanerup allartinnerani imaluunniit toqumik pissuteqanngitsumik kipinerani erniatigut aningaasartuutit piffissamut akileraartussaasup akileraar-tussaaffigisaanut tunngassuteqartut aningaasarsiat akileraaruteqaataasussat naat-sorneqarnerini ilanngaatineqassapput.

Assersuut 1: Akileraartussaataitaaneq **aallartippoq** 1/6-mi. Qaammatit pingasukkaarlugit ernialiisoqartarpoq. Ullut ernialiiffiusut 31/3, 30/6, 30/9 aamma 31/12. Kingumoortumik ernialionneqarsimapput 2.189 koruunit, 2.010 koruunit, 1.987 koruunit kiisalu 1.904 ko-ruunit.

Piffissami akileraartussaataitaaffimmi (1/6-miit 31/12-imut) erniatigut aningaasartuutit akiligassannortut:

kr. 2.010 + kr. 1.987 + kr. 1.904 = 5.901 kr.

Taakkunannga 1/4-miit 31/5-imut attuumassuteqartut:

kr. 2.010/ 3 x 2 -1.340 kr.

Ukiumi tikiffimmi (akileraartussaataitaanerup aallartiffiani)

erniatigut aningaasartuutit ilanngaatisat **4.561 kr.**

Assersuut 2: Akileraartussaataitaaneq **kipivoq** 3/11-imi. Qaammatit pingasukkaarlugit ernialiisoqartarpoq. Ullut ernialiiffiusut tassaapput 31/3, 30/6, 30/9 aamma 31/12. Kingumoortumik ernialionneqarsimapput 2.100 koruunit, 2.000 koruunit 1.980 koruunit kiisalu 1.900 koruunit.

Ernianut aningaasartuutit ukioq tamaat 7.980 kr.

Piffissamut akileraartussaataitaaffimmut (1/1-miit 3/11-imut) attuumassuteqartut: 31/3-mi, 30/6-mi 30/9-mi akili-gassannortut tamakkiisumik ilanngaatineqassapput

6.080 kr.

Piffissamut 1/10-miit 3/11-mut attuumassuteqartut ilanngullugit

ilanngaatigineqassapput: kr. 1.900/92 x 34 (ullut amerlass.)

702 kr.

Ukiumi aallarfimmi (akileraartussaataitanerup kipiffiani)

erniatigut aningaasartuutit ilanngaatissat

6.782 kr.

51

Akiitsut inuutissarsiutinut imaluunniit namminermut tunngasuuppata, akiitsut erniaat ilanngaatigineqarsinnaaput. Akiitsut inuutissarsiutinut tunngasut erniaat sammisami 126b-mi, qupperneq 4-miittumi, allanneqassapput.

Aningaaserivinnut, kontoqarnermut aaqqissuuusaaq qularnaveeqquusiussaqarlunilu akiitsoqarnermi akiitsut erniai tamarmiusut Akileraartarnermut Aqutsisoqarfiup sammisaaq 51-imi paasissutissiissutigai.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaaq 51-imut nalunaarutigissavatit.

Aammali sammisaaq 50-imi oqaaseqaatit takukkit.

52

Akiitsut inuutissarsiutinut imaluunniit namminermut tunngasuuppata, akiitsut erniaat ilanngaatigineqarsinnaaput. Akiitsut inuutissarsiutinut tunngasut erniaat sammisami 126b-mi, qupperneq 4-miittumi, allanneqassapput.

2017-imi ESU-mut (Inuussutissarsiutinut tapiisarnermut ataatsimiititaliaq) akiitsuppit erniaasa katinneri Akileraartarnermut Aqutsisoqarfiup sammisaaq 51-imi paasissutissiissutigai.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaaq 52-imut nalunaarutigissavatit.

Aammali sammisaaq 50-imi oqaaseqaatit takukkit.

53

Akiitsut inuutissarsiutinut imaluunniit namminermut tunngasuuppata, akiitsut erniaat ilanngaatigineqarsinnaaput. Akiitsut inuutissarsiutinut tunngasut erniaat sammisami 126b-mi, qupperneq 4-miittumi, allanneqassapput.

2017-imi BSU-mut (Initaarniarnermut tapiisarnermut ataatsimiititaliaq) akiitsorisavit erniaasa katinneri Akileraartarnermut Aqutsisoqarfiup sammisaaq 52-imi paasissutissiissutigai.

Initaarniarnermut tapiissutinik attartukkat erniaannut atatillugu – kapitel II atukkat – erniaasa ilanngaatigineqarsinnaanerit immikkut maleruagassaqartinneqarput, tassa erniat attartortup nammineq akiligassai kisimik ilanngaatigineqarsinnaammata. Akiligassat allagartaani takuneqarsinaavoq.

Aammali sammisaaq 50-imi oqaaseqaatit takukkit.

59

Akiitsut allat erniai uani nalunaarutigineqassapput.

Aammali sammisaaq 50-imi oqaaseqaatit takukkit

60 Sulinermik inuussutissarsiuteqartut peqatigiiffiinu ilaasortaanermut akiliut, aningaasarsiat akileraaruteqaataasussat naatsorsornerani ilanngaatigineqarsinnaavoq, suliffissaaruk-kallarnermulli sillimmat (A-kasse) kiisalu utoqqalinersiuteqarneq sioqqullugu soraarnerussutisiassanut ileqqaarutit (efterlønsbidrag) ilanngaatigineqarsinnaanngillat.

61 Soraarnerussutisiatigut inuunermullu sillimmasiissutitigut aqqissuussinernut ingerlaavartumik inuuneq tamaat, toqunikkut unittussanik, pisartagaqarfigineqartartussanut akilersuutit, tamakkununga ilanngullugit aapparisaq qitornallu soraarnerussutisiassanit pisartagaqartinnissaannut kiisalu innarluutilittut ingerlaavartumik soraarnerussutisiassanut akilersuutit, taamaattorli ukiup aningaasarsiorfiup ilaani akilersuutit ilanngaatigineqarsinnaasut annerpaaffissaat tassaassalluni piffissami tassani akissarsiat tamarmiusut, aapparisaq akissarsiai ilanngullugit, 20 procentiat.

Ilaatigut makku piumasagaatini arlalinni eqqutitinneqarsimassapput:

- 1) Aqqissuussinerit soraarnerussutisiaqarnissamut aningaasaateqarfimmi Kalaallit Nunaanni angerlarsimaffeqartumi, sillimmasiisarnerlu pillugu inatsimmi pineqartunut ilaasumi pilersinneqarsimassapput. Aqqissuussinerit inuunermut soraarnerussutisiaqarnissamullu sillimmasiisarfimmi Kalaallit Nunaanni angerlarsimaffeqartumi, Finanstilsynimit akuersissummik peqarluni sillimmasiisarnermik ingerlatsisumi pilersinneqarsinnaapputtaaq
- 2) aningaaserivimmi, Kalaallit Nunaanni angerlarsimaffeqartumi imaluunniit aalajangersimasumik ingerlatsiveqartoq, Finanstilsynimiillu akuersissummik peqarluni aningaaserivimmik ingerlatsinissaminik maani nunami.

Soraarnerussutisiaqarnissamut akilersuutit sulisitsisup (sulisitsisup akilersuutininut tapiliussai ilanngullugit) akilertarpagit taakku ilanngaatit allanneqassanngillat, tassa taakku aningaasarsiat A-nit ilanngaatigineqareersarmata.

Soraarnerussutisiaqarnissamut aqqissuussinernut akilersuutit nunani allani ingerlatsi-vinneersut (Nunatta avataaniittut) ilanngaatigineqarsinnaanngillat.

62 Aapparimasamut qitornanulluunniit akilersuutit aningaasarsiat akileraaruteqaataasussat naatsorsornerani ilanngaatigineqarsinnaapput.

Ilanngaatigineqarsinnaannerinut piumasagaatavoq akilersuiffigineqartoq najugaqatigineqassanngitsoq aammalu akilersuutit ukiumi aningaasarsiorfiusumi akiligassanngorsimalutillu akilerneqarsimanissaat.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 62-imut nalunaarutigissavatit.

63 2017-imi ilaqutariinni inissiisarnermi paaqqinninersiutit katinneri Akileraartarnermut Aqutisisoqarfiup sammisaq 63-imi paasissutissiissutigai.

Ulluunerani paaqqinnittarnermi isertitat tallimararterutai (1/5) uppersaatitaqanngitsumik ilanngaatigineqarsinnaapput, taamaattorli annerpaamik meeraq ataaseq qaam-

mammut 1.059 kr.

Utaqqiisaasumik ilaqtariinni aammalu **paaqqinninnermi oqilisaassinermullu aningaasarsiat** nalingi ilanngaatineqarsinnaapput.

Paaqqinninnermi aningaasarsiat nalinginnaasut uppersaatitaqanngitsumik ilanngaatineqarsinnaapput nalinginnaasumik tunngaviusumik paaqqinninnermi aningaasarsiarititaasartut annertoqataat (meeqqanik inuusuttunillu ikiorsiisarneq pillugu Namminersornerullutik oqartussat nalunaarutaanni nr. 32, 14. december 2006-imeersumi § 18 naapertorlugu tunniunneqartut). Aningaasartuutillu nalinginnaasumik tunngaviusumik paaqqinninnermi aningaasarsianit annertuneruppata taarsiullugu ilanngaatineqarsinnaapput aningaasartuutit uppersaatitallit.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 63-imut nalunaarutigissavatit.

69

Aningaasartuutit ilanngaatineqarsinnaasut allat sammisaq 69-imut nalunaarutigissinatit.

Parnaarussanik isumaginninnermi aningaasartuutit uppersaatitaqanngitsumik ilanngaatineqarsinnaapput ulloq unnuarlu parnaarussamut ataatsimut 149 kr.

Nerisaqarnermut najugaqarnermullu aningaasartuutit ilanngaatiginerat

Akilerartartoq suliaminut nalinginnaasumut atatillugu najukkami/angerlarsimaffimmi (Kalaallit Nunaanni) avataaniippat, tamatumanngalu atatillugu nerisanut il.il. immikkut aningaasartuuteqartariaqarsimappat (takuuk imm. a) kiisalu immikkut najugaqarnermut aningaasartuuteqarsimappat (takuuk imm. b) taamaattut **uppersaatitalerneqarsimasut** ilanngaatigitinneqarsinnaapput.

Ilanngaateqartitsisoqarsinnaanngilarli angalanermi ullormusiaqartitsisoqarpat imaluunniit angalanermut tapisiaqartitsineqarpat akilerarnermi inatsimmi § 34, imm. 1, nr. 8 mallillugu akileraaruteqaataasussaannngitsunik.

Nerisanut il.il. immikkut aningaasartuutit.

Qanoq atsigisumik immikkut aningaasartuuteqarnermut najoqqutassaq ullormut ataatsimut immikkut aningaasartuuteqarsimaneq uppersaasikkap "akeqanngitsumik nerisaqarnerup nalinga"-nut naleqqiunneqarnera, taamaalillunilu akiliutip "akeqanngitsumik nerisaqarnerup"-mut Naalackersuisut ullormut naliliusnaanut naleqqiullugu sippuutaa ilanngaatigitinneqarsinnaavoq.

Najugaqarnermut immikkut aningaasartuutit.

Kalaallit Nunaanni illoqarfittut angerlarsimaffiup/nalinginnaasumik suliffiup avataani najugaqarnermi akeqanngitsumik inissaqartitsisoqartillugu - sulisisusumiit, imaluunniit taassuma ineqarneq akilerpagu - taassuma nalinga akileraaruserneqassanngilaq, akilerartartup pineqartup initoqqani/najugatoqqani pigiinnarpagu.

- 90** **Pisuussutit**
Nakkutilliinermut tunngatillugu tamakkiisumik akileraartussaataitaasut, aningaasarsiat B-t akilaaruteqaataasussaangitsut sipporlugit B-nik aningaasarsiallit pisuussutitik nalunaarutigissavaat. Pisuussutit akileraaruserneqassanngillat.
- Pigisatit nalillit naligititaasoq malillugu sammisaq 90-imi nalunaarutigissavatit, ilaatigut aningaaserivinni uninngasuutit il.il. aktiat, aningaasaliissartunik piginneqatigiiffimmi uninngasuutit allallu.
- Uninngasuutit ilaasa nalingi Akileraartarnermut Aqutsisoqarfiup paasissutissatut ikkute-reerpai, kisianni annertussusai mississortariaqassavatit. Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 90-imi nalunaarutigissavatit.
- 91** Namminersortutut ingerlataqaruit sammisaq 91-imi nammineq ingerlatannut aningaasaliissutitit tamaasa nalunaarutigissavatit.
- 92** Akiitsut tamarmiusut, aningaaserivinnut, kontoqarnermut aaqqissuussanut, isumannaatsumik qularnaveeqquteqarluni taarsigassarsisarfinnut (reakredit), BSU-mut aamma ESU-mut allanullu, sammisaq 92-imi nalunaarutigissavatit.
- Akiitsut ilaasa nalingi Akileraartarnermut Aqutsisoqarfiup paasissutissatut ikkutereerpai, kisianni annertussusai mississortariaqassavatit. Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 92-imi nalunaarutigissavatit.
- 98** Nunatsinni pigisamik aalaakkaasumik pigisaqaruit sammisaq 98 angissavat.
- 99** Nunatta avataani pigisamik aalaakkaasumik pigisaqaruit sammisaq 99 angissavat.
- 100** Uani namminersorluni ingerlatap CVR-normua allassavat.
- Namminersorluni ingerlatanik arlariinnik immikkut CVR-normulinnik/ ingerlataqaruit CVR-normut immikkut tamarmik skemanut nalunaarutigineqassapput
- 101** Namminersorluni ingerlataq ukiup ingerlanerani unissimappat (krydsileruk).
- Krydsiliinermi nalunaarutigaat namminersorluni ingerlatap unitsinneqarnera. Ilaatigullu isumaqarpoq illit nammineq isumagissagit namminersorluni ingerlatap CVR-imi nalunaarsorfimmiit peerneqarnissaa.
- 102** Naatsorsuutit naatsorsuuserisumit ikiorteqarluni suliarineqarsimappata (krydsileruk).
- Krydsiliinermi nalunaarutigaat, naatsorsuutit naatsorsuuserinermik ilisimasaqartumik ikior-teqarnikkut naammassineqarsimanerat.

- 103** Nangaassuteqarneq /naatsorsuuserisup nalunaarummini paasissutissatut ilassutai (krydsileruk).
- ”AAP”-mik krydsiliinermi paasitissavat, naatsorsuutini naatsorsuuserisup nalunaarummini nangaassuteqarmat imaaluunniit paasissutissanik ilassuteqarmat.
- ”NAAMIK”-mik krydsiliinermi paasitissavat, naatsorsuutini naatsorsuuserisup nalunaarummini nangaassuteqanngitsoq imaaluunniit paasissutissanik ilassutissaqanngitsoq.
- 104** Aningaasarsiat akileraaruteqaataasussat naatsorsonerani naatsorsuuserisumit ikiorteqarluni suliarineqarsimappata ”AAP” krydsileruk.
- ”AAP”-mik krydsiliinermi paasitissavat, aningaasarsiat akileraaruteqaataasussat naatsorsonerani akileraartarnermik paasisimasalimmik ikiorteqarluni suliarineqarsimammata.
- 105** Krydsiliinikkut paasitissavat,
- 1) Namminersorluni ingerlatami biileqarmat naamminerisamillu atorneqartarmata.
 - 2) Ukiup ingerlanerani nammineq nioqqutissanik atuisoqartarmat.
 - 3) Naatsorsuutini ilanngunneqarsimammam nammineq atuinerit allat, soorlu innaallagissamut, imeqarnermut kiassarnermut, umiatsiaqarnermullu ingerlatsinermi aningaasartuutit namminermut tunngatinneqartut annertussusai il.il
 - 3) krydsilerneqarsimappat malugiuk sammisami suunera nalunaassagakku.
- 120** Naaminersorluni ingerlatap kaaviiartitai nalunaarutigissavatit. Malugiuk, kaaviiartitat naalunaarukku ukiup aallartinnerani naanerani ilinnut akiitsullit ilanngutissagakkit.
- Aalisartut piniartunullu kalaalimeerniarfinnut, nerisaqarfinnut inuinnarnut allanullu tunisat tamarmiusut pineqarput.
- 121** Ukiup ingerlanerani tunitsivinnut tunisat tamarmiusut nalingi nalunaarutigissavatit.
- Akileraartarnermut Aqutsisoqarfiup paasissutissat tigusimasani tunngavigalugit 2017-imi tunitsivinnut tunisat tamarmiusut katinnerat nalunaarsimavai.
- Aningaasat naqeriikkami taaneqartut isumaqatiginngikkukkit, kisitsisit eqqortut sammisag 121-mut nalunaarutigissavatit.
- 122** Namminersorluni ingerlatap nioqqutissanik atuinera nalunaarutigineqassaaq, soorlu nioqqutissiassanik pisineq, nioqqutissiassanut atugassanik pisineq, nioqqutissanik poortuinerinullu pisiat. Eqqaamassavat quimi uninngasuutit annertusinerat/annikillineralluunniit naleqqussaartigissagakku.
- 123** Namminersorluni ingerlap ingerlatsinermi aningaasartuutai tamarmiusut nalunaarutigineqassapput, tassa akissarsisitsinerit A11-vip sammisameersuaniittut 110-115-116,

allaffissornermut, angallassinermut, telefonimut, aningaasartuutit il.il.

- 124** Akileraartarnermi nalikilliliinerit tamarmiusut nalunaarutigissavatit. Nalikilliliinerit naat-sorsuutini sukumiisumik ersersinneqassapput imaluunniit skema S10-mi nammineerluni nalunaarummut ilanngunneqartumi.
- 125a + b** Immikkut ittumik iluanaaruteqartoqarpat / aningaasartuuteqartoqarpat nalunaarutigissa-vatit. Tassaassinnaapput pigisap nalillip assigisaallu tunineqarneratigut iluanaarutit annasaqaatilluunnit. Imikkut ittumik isertitat iluanaarutilluunniit sammisami 125a-mi allanneqassapput imikkullu ittumik aningaasartuutit ajunaarutilluunniit 125b-mi allan-neqassallutik. Aammalu aningaasartuutit allanut inissikkuminaatsut taakkunani inissin-neqarsinnaapput.
- 126a + b** Namminersorluni ingerlatap erniatigut isertitai sammisami 126a-mi nalunaarutigissavatit aammalu namminerluni ingerlatap ernianut aningaasartuutai sammisami 126b-mi nalu-naarutigissallugit.
- Malugiuk, naaminersorluni ingerlatap erniatigut pissarsiai matumani nalunaarutigineqar-tut, sammisani 20-29 immaluunniit 50-59-imi nalunnaarneqassanngimmata. ESU-mut akiitsut erniaat matumani ilanngunneqarpata, soorlu assersuutigalugu namminersorluni ingerlatap ernianut aningaasartuutaanik, taava sammisap 52-imi kisitsit 0-nngorlugu allanneqassaaq.
- 127** Namminersorluni ingerlatap naatsorsuutitigut angusaa akileraaruteqaataasussaq nalunaa-rutigissavat. Kisitsisit sammisani 120-miit 126b ilanngullugu allatorneqartut katinnera-tigut angusap inernera allanneqassaaq. Katinneranni angusap amigartoorutaappat, kisitsit allanneqartussap siorngani minusimik nalunaaqutserlugu allanneqassaaq.
- 128** Namminersorluni ingerlatap iluanaarutaanik piginneqataarnermusiat procentinngorlugu nalunaarugissavat. 100 % -mik nalunaarsimagukku sammisami 127-mi nalunaarneqarsi-masumit tamakkiisumik akileraartinneqassaatit. Procentinngorlugu nalunaarutigisat 100-mik mikineruppat tamaallaat isertitatut nalunnaarutigineqartup procentinngorlugu nalu-naarutigineqartup nalinganit akileraartinneqassaatit, piunasaqaataalluni namminersorluni ingerlatap CVR-mi (Det Centrale Virksomhedsregister) arlariinnik pigineqartumik nalunaarutigineqarsimanissaa.
- Procentinngornagu aningaasanngorluguli nalunaarutigigukku tassaanngaaniit akileraar-tinneqassaatit piunasaqaatit qulaani taaneqartut naammasineqarsimappata.
- 129** Atortutigut pigisat nalillit nalingisa katinneri nalunaarutigineqassapput (tigussaanngitsut tigussaasullu pigisat aamma aningaasaqarnikkut) soorlu pioreersup pitsaaqutaa (good-will), illut, maskiinat pequtit il.il.
- 130** Namminersorluni ingerlatap kaaviiartitsineri pigisai tammarmiusut nalunaarutigissa-vatit, soorlu quimi uninngasut nalingi, ilinnut akiligassallit nalingi aningaasallu tigori-aannaat annertussusai.
- 131** Namminersorluni ingerlatamut nammineq aningaasaliissutigisap uninngasuut nalunaaru-tigissavat.

- 132** Namminersorluni pigisat nalillit tamarmiusut katinnerisa qanorlu aningaasalersorneqarnerisa tamarmiusut katinnerisa naligiissinerat nalunaarutigissavat.
- 140** Nunatta avataani akileraarutininik akiligaqarsimaguit ”AAP” krydsilissavat ilanngullugulu/nassiullugulu Akileraartarnermut Aqutsisoqarfimmuut akiliisimanermut uppernarsaat.
- Nunanut allanut iluanaarutisianit akileraarutininik akiligaqarsimaguit akilersimasatit uani allasavatit, taamaallaalli annertussuseqartumik iluanaarutisiamit akileraarutip nunap akileraarfigisavit pisassarititaanik, marloriaammik akileraaruserneqannginnissaq pillugu isumaqatigiissut malillugu. Akiliutigisimasap uppernarsaatitaa Nammineerluni nalunaarsuummut ilanngunneqassaaq/nassiuteqatigineqassaaq.
- Akileraarutissap naatsorsorneqarnerani nunanit allanit iluanaarutisianit isertitanut tunngasumut kalaallit nunaannut akileraarutissaq millisaavigineqassaaq. Millisaavigineqarneq killilerneqassaaq nunanut allanut iluanaarutit akileraarutaannik, tamaallaalli annerpaamik nunap pisassarititaanik, marloriaammik akileraaruserneqannginnissaq pillugu isumaqatigiissut malillugu.
- Assersuutigalugu qallunaat nunaanniit aktie-nit iluanaarutisianut akileraarutaasussaq 15 %-imut millisinneqassaaq, Qallunaat Nunaata annerpaamik pisussaataaffianut, Kalaallit Nunaata Qallunaallu Nunaata marloriaammik akileraaruserneqannginnissaq pillugu isumaqatigiissut malillugu. SKAT Danmark-imi qallunaat nunaannut iluanaarutit akileraarutaannik utertitsiniartoqarsinnaavoq.
- 150** Ukiup ingerlanerani illumik, umiatsiamik, biilininik kiisalu pequtinik annertuunik imaluunniit kingornussanik, tunissummik sillimmasiisarfinniillu aningaasarsisimaguit tassunga ilanngullugit soraarnerussutisiassanut ataasiaannarluni ataatsikkut tunniunneqartusanut ileqqaakkat (kapitalpension) uani nalunaarutigissavatit.
- Kiisalu immikkut oqaaseqaatit uani sammisami nalunaarsinnaavatit.
- 160** Uani sammisami piunaffigineqarputit aningaaserivippit nalunaarsorneqarnerata normua (reg.nr.) kontonormullu nalunaarutigissagitit. Taava utertuussagaluaruit kingusinnerpaamik 1. september 2018-imi tigunissai qulakkeersinnaavatit.